

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社


四庫全書存目叢書

集部

第三四四冊

責任編輯：孫言誠 賀 偉

ISBN 7-5333-0615-5



9 787533 306151 >

E1334/07

四庫全書存目叢書·集部三四四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 50 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第三四冊目次

集部・總集類

八代文鈔一百六卷(四)

〔明〕李賓編
天津圖書館藏明刻本

.....

八代文鈔一百六卷(四)

〔明〕李賓編

天津圖書館藏明刻本

陸務觀文抄

師伯渾文集序

呂居仁集序

東樓集序

長短句序

送關漕詩序

雲門寺聖院記

上天竺復菴記

登南樓記

陸務觀

遊黃州東坡記

東屯高齋記

成都西浦國寧觀古楠記

南園記

閱古泉記

東籬記

居室記

書巢記

烟艇記

義莊記
遊金陵三記
遊廬山東林記
天申節賀表
上執政書
上虞丞相書
上辛給事書
答邢司戶書
答劉主簿書
應和觀
與尉論捕盜書
書通鑑後
書賈充傳後
書郭崇韜後
跋南城吳氏社會書樓詩文後
跋呂侍講歲時雜記
跋李莊簡公家書
跋陳伯正所藏山谷帖
跋東坡祭陳令舉文

跋花間集
跋前漢通用古字韻編
跋劉凝之陳令舉騎牛圖
跋畫橙
放翁自贊
畫水石贊
梅子真泉銘
望溪硯銘
延平硯銘
陸學觀
姚平仲小傳
陳氏老傳
陳君墓誌銘
夫人陸氏墓誌銘
山陰陸氏女女墓銘
令人王氏墳記
何君墓表
祭周益公文
祭韓无咎尚書文

祭許辰州文

祭勤首座文

陸游

八

中

師伯渾文集序

宋 陸游

乾道癸巳予自成都適犍爲識隱士師伯渾於眉山。一見知其天下偉人。予旣行伯渾餞予於青衣江上。酒酣浩歌聲搖江上。水鳥皆驚起。伯渾飲至斗許。予素不善飲。亦不覺大醉。夜且半。舟始發去。至平羌酒解得大軸於舟中。則伯渾醉書紙窮墨燥如春龍奮螯。奇鬼搏人。何其壯也。後四年伯渾得疾不起。予懷祖集伯渾文章移書走八千里乞予爲序。嗚呼伯渾

師伯渾集序

一

自少時名震秦蜀。東被吳楚。一時高流皆尊慕之。願與交。方宣撫使臨邊。圖復中原。制置使并護梁益兵民。皆巨公大人。聞伯渾名。將聞于朝。而卒爲忌者所沮。夫伯渾旣決不肯仕。卽無沮者。不過有司歲時奉粟帛牛酒勞問。極則如孔叡復輩散人號書其事于史而已。於伯渾何失得而忌已如此。鄉使伯渾出而事君。爲卿爲公。則忌者當益衆。排擊沮撓當不遺力。徙比景輪左校殆未可知。安得如在眉山躬耕婦織。放意山水。優游以終天年耶。則伯渾不遇。未見可

憾或曰伯渾之才氣空海內無與比其文章英發鉅麗歌之清廟刻之彝器然後爲稱今一不得施顧而爲山顛水涯娛憂紆悲之言豈不可哉故予曰是則有命識者爲時惜不爲伯渾歎也

感慨悲壯

歸伯渾集序

二

呂居仁集序

宋 陸游

天下大川莫如河江其源皆來自蠻夷荒忽遠絕之域累數萬里而後至中國以注于海今禹之遺書所謂岷積石者特記禹治水之迹耳非其源果止于是也故爾雅謂河出崑崙虛而傳記又謂河上通天漢其至蜀窮江源則自蜀岷山以西皆岷山也地斷壤絕不復可窮河江之源豈易知哉古之學者蓋亦若是惟其上探虛義唐虞以來有源有委不以遠絕不以難止故能卓然布之天下後世而無媿凡古之言者皆莫不然自漢以下雖能如三代盛時亦庶幾焉宋興諸儒相望有山漢唐之上者迨建炎紹興間承喪亂之餘學術文辭猶不媿前輩如故紫微舍人東萊呂公者又其傑出者也公自少時既承家學心體而身履之幾三十年仕愈躋學愈進因以其服盡交天下名士其講習探討磨礪浸灌不極其源不止故其詩文汪洋闊肆悉備衆體間出新意愈奇而愈渾原震耀耳目而不失高古一時學士宗焉晚節稍用

呂居仁集序

一

於時在西掖嘗兼直內庭草趙丞相鼎制力排和戎之議忤秦丞相檉秦公自草日曆載公制辭以爲罪而天下遂知公之正公平生所爲詩既已孤行于世嗣孫祖平又盡其文凡若干首爲若干卷而屬某爲序某自童子時讀公詩文願學焉稍長未能遠遊而公捐館舍晚見曾文清公文清謂某君之詩淵源殆自呂紫微恨不一識面某于是尤以爲恨則今得托名公集之首豈非幸歟慶元二年九月既望中大

易庵集序

二

東樓集序

宋 陸游

余少讀地志至蜀漢巴夔輒慨然有遊歷山川攬觀風俗之志私竊自怪以爲異時或至其地以償素心未可知也歲庚寅始泝峽至巴中間竹枝之歌後再歲北遊山南過高望鄉諸山思一醉曲江漢陂之間其勢無繇往往悲歌流涕又一歲客成都唐安又東至于漢嘉然後知昔言之感益非適然也到漢嘉四十日以檄得還成都因索在笥得古律三十首

東樓集序

一

欲出則不敢欲棄則不忍廼叙藏之

長短句序

宋 陸游

雅正之樂微乃有鄭衛之音鄭衛雖變然琴瑟笙簧聲猶在也及變而爲燕之筑秦之缶胡部之琵琶篪篴則又鄭衛之變矣風雅頌之後爲騷爲賦爲曲爲引爲行爲謠爲歌千餘年後乃有倚聲製辭起於唐之季世則其變愈薄可勝歎哉然漁歌菱唱猶不能止今絕筆已數年念舊作終不可捨因書其首以識吾過

長短句序

送關漕詩序

宋 陸游

李固杜喬臧洪之死士以同死爲榮范文正之貶士以不同貶爲耻今著作之免歸也御史以風聞言之天子以無心聽之與前事故大異而坐客賦詩或危之何也風俗異也某旣列名衆詩之次又承命作序二罪當併按矣

送關漕詩序

雲門寺聖院記

宋 陸游

雲門寺自晉唐以來名天下父老言昔盛時繚山並溪樓塔重複依巖跨壑金碧飛踊居之者忘老寓之者忘歸遊觀者累日乃遍往往迷不得出雖寺中人或旬月不相覩也入寺稍西石壁峯爲看經院又西爲藥師院又西繚而北爲上方已而少裏于是看經別爲寺曰顯聖藥師別爲寺曰雍熙最後上方亦別曰壽聖而古雲門寺更曰淳化一山凡四寺壽聖最

雲門聖院記

一

小不得與三寺班然山尤勝絕遊山者自淳化歷顯聖雍熙酌煉丹泉闕筆倉追想葛稚川王子敬之遺風行聽灘聲而坐蔭木影徘徊好泉亭上山水之樂饜飫極矣而亭之旁始得支徑逶迤如綫修竹老木怪藤醜石交覆而角立破崖絕澗奔泉迅流喊呀而噴薄方著凜然以寒正晝仰視不見日景如此行百餘步始至壽聖嶄然孤絕老僧四五人引水植蔬見客不知拱揖客無所主而去僧亦竟不知辭謝好奇者或更以此喜之今年予來南而回五人者相與送

予至新谿且曰吾寺舊無記願得君之文磨刻崖石予異其朴野而能知此也遂與爲記然憶爲兒時往來此中今三十年屋益古竹樹益蒼老而物色益幽奇予亦有白髮久矣顧未知予之文辭亦能少加老否寺得額以治平某年某月後九十餘年紹興丁丑歲十一月十七日吳興陸某記

雲門聖院記

二

上天竺復菴記

宋 陸游

嘉泰二年上天竺廣慧法師築退居於寺門橋南名之曰復菴後負白雲峯前直獅子乳竇二峯帶以清溪環以美箭嘉木凡屋七十餘間寢有室講有堂中則爲殿以奉西方像設殿前闢大池兩序列館以處四方學者炊爨湯浴皆有其所床敷巾鉢雲布鱗次又以爲傳授講習梵唄之勤宜有遊息之地以休止暇日則又作園亭流泉以與學者共之旣成命其弟

朱子懷走山陰鏡湖上從子求文以記歲月予告之

曰進而忘退行而忘居知趨前而昧於顧後者士大夫之通患也故朝廷於士之告歸每優禮之而又命有司察其尤不知止者以勵名節而厚風俗士猶有不能決然退者又况物外道人初不踐是非毀譽之途名山大衆以說法爲職業愈老而愈尊愈久而人愈歸之雖一坐數十夏何不可者如法師道遇三朝名蓋萬袖自紹熙至嘉泰十餘年間詔書褒錄如日麗天學者歸仰如泉赴壑非有議其後者而法師慨

然爲退居之舉傾竭橐裝無所顧惜雖然以予觀之師非獨視大竺之衆不啻弊屣加以歲年功成行著遂爲西方之歸則復菴又一弊屣也死生去來無常予老甚矣安知不先在寶池中俟師之歸語今日作記事相與一笑乎開禧元年三月三日記

朱子懷走山陰鏡湖上從子求文以記歲月予告之

二

登南樓記

宋 陸游

郡集於南樓在儀門之南石城上一曰黃鶴山制度
因偉登望尤勝鄂州樓觀爲多而此獨得江山之要
會山谷所謂江東湖北行盡圖鄂州南樓天下無是
也下闕南湖荷葉彌望中爲橋曰廣平其上皆列肆
兩傍有水閣極佳往山谷云凭欄十里芰荷香謂南
湖也是日早微雨晚晴二十八日同章冠之秀才甫
登石鏡亭訪黃鶴樓故址石鏡亭者石城山一隅正
南樓記

枕大江其西與漢陽相對止隔一水人物草木可數
唐沔州治漢陽縣故李太白沔州泛城南郎官湖詩
序云白遷於夜郎遇故人尚書郎張謂出使夏口沔
州牧杜公漢陽令王公觴于江城之南湖其後沔州
廢漢陽以縣隸鄂州周世宗平淮南得其地復以爲
軍太白詩云誰道此水廣狹如一足練江夏黃鶴樓
青山漢陽縣人語猶可聞故人面可見形容最妙漢
陽負山帶江其南小山有僧寺者大別山也又有小
別謂之二別云黃鶴樓舊傳費禪飛升於此後忽乘

黃鶴來歸故名樓號爲天下絕景以崔灝詩最傳而
太白奇句得於此者尤多今樓已廢故址亦不復存
問老吏云在石鏡亭南樓之間正對鸚鵡洲猶有可
想見其地樓傍李監篆石刻獨存太白登此樓送孟
浩然詩云孤帆遠映碧山盡惟見長江天際流盡帆
樑映遠山尤可觀非江行久不能知也復與冠之出
漢陽門游仙洞止是石壁數尺皆直裂無洞穴之狀
舊傳有仙人隱其中嘗啓洞出游老兵遇之得黃金
數餅後化爲石東坡先生有詩紀其事初不云所遇
何人且太白固已云頗聞列仙人於此學飛術一朝
向蓬海千載空石室今鄂人謂之呂公洞蓋流俗附
會也有道人澶州人結廬洞側設呂公像其中洞少
南卽石鏡山麓巖頑石也色黃赤皴駁了不能鑑物
可謂浪得名者

游黃州東坡記

宋 陸游

自州門而東崗壘高下至東坡則地勢平曠開豁東起一壘頗高有屋三間一龜頭曰居士亭亭下面南一堂頗雄四壁皆面雪堂中有蘇公像烏帽紫裘橫按筇杖是爲雪堂堂東大柳傳以爲公手植正南有橋榜曰小橋以莫忘小橋流水之句得名其下初無渠澗遇雨則有涓流耳舊止片石布其上近輒增廣爲木橋覆以一屋頗敗人意東一井曰暗井取蘇公詩中走報暗井出之句泉寒冽但不甚甘又有四望亭正與雪堂相直在高阜上覽觀江山爲一郡之最亭名見蘇公及張文潛集中坡西竹林古氏故物號南坡今已幾伐無幾地亦不在古氏矣出城五里至安國寺蘇公所嘗寓兵火之餘無復遺跡惟達寺茂林啼鳥似猶有當時氣象也郡集於樓霞樓蘇公樂府云小舟橫截春江去卧看翠壁紅樓起正謂此也下臨大江烟樹微茫遠山數點亦佳處也樓頗華滋先是郡有慶瑞堂謂亦故相所生之地後毀以新

東坡記

一

一

東坡記

一

二

此樓酒味殊惡然文潛乃極稱黃州酒以爲自京之外無過者豈文潛謫黃時適有佳匠乎循小徑緣州宅之後至竹樓規模甚陋不知當王元之時亦止此耶樓下稍東卽赤壁磯亦茅岡岡畧無草木故韓子蒼待制詩云豈有危巢與栖鶻亦無陳迹但飛鷗此磯固經史傳者皆以爲周公瑾敗曹操之地然江上多此名不可考實李太白赤壁歌云烈火張天照雲海周瑜於此敗曹公不指言在黃州蘇公尤疑之賦云此非曹孟德之困於周郎者乎樂府云故壘西邊人道是當日周郎赤壁蓋一字不輕下如此至韓子蒼云此地能令阿瞞走則真指爲公瑾之赤壁矣又黃人實謂赤壁曰蒼鼻尤可疑也晚復移舟茶園步又遠竹園三四里蓋黃州臨大江了無港灣可泊或云舊有洳郡官廨過客故塞之

東屯高齋記

宋 陸游

少陵先生晚遊夔州愛其山川不忍去三徙居皆名高齋質於其詩曰次水門者白帝城之高齋也曰依藥餌者瀼西之高齋也曰見一川者東屯之高齋也故其詩又曰高齋非一處予至夔數月弔先生之遺迹則白帝已廢爲丘墟百有餘年自城郭府寺父老無知其處者况所謂高齋乎瀼西蓋今夔府治所畫爲阡陌裂爲坊市高齋尤不可識獨屯有李氏者居已數世上距少陵財三易主大曆中故券猶在而高齋負山帶谿氣象良是李氏業進士名襄因郡博士雍君大椿屬予記之子太息曰少陵天下士也早遇明皇肅宗官爵雖不尊顯而見知實深蓋嘗慨然以稷卨自許及落魄巴蜀感漢昭烈諸葛丞相之事屢見於詩頓挫悲壯反覆動人其規模志意豈小哉然去國寔久諸公故人熟昵其窮無肯出力比至夔客於柏中丞嚴明府之間如九尺丈夫俛首居小屋下思一吐氣而不可得予讀其詩至小臣議論絕老病

東屯高齋記

一

東屯高齋記

二

客殊方之句未嘗不流涕也嗟夫辭之悲乃至是乎荆卿之歌阮嗣宗之哭不加於此矣少陵非區區於仕進者不勝愛君憂國之心思少出所學佐天子興正觀開元之治而身愈老命愈大謬坎壈且死則其悲至此亦無足怪也今李君初不踐通塞榮辱之機讀書絃歌忽焉忘老無少陵之憂而有其高少陵家東屯不浹歲而君數世居之使死復生予未知少陵自謂與君孰失得也若予者什不能無媿於義退又無地可耕是直有慕於李君爾故樂與爲記乾道七年四月十日

成都西浦國寧觀古楠記

宋 陸游

予在成都嘗以事至沅岸過國寧觀有古楠四皆千歲木也枝撥雲漢聲挾風雨恨入地不知幾百尺而陰之所庇車且百兩正晝日不穿漏夏五六月暑氣不至稟如九秋成都固多壽木然莫與四楠比者予蓋愛而不能去者彌日有石刻立廡下曰是仙人蓮君手植予歎曰神仙至人手之所觸氣之所呵羸疾者起育贖者愈榮盛枯朽而金玉瓦石不難况其親

成都古楠記

一

所培植哉父而不槁不死固宜欲爲作詩文會多事不果嘗以語道人達昌老真叟以爲恨既去蜀三年而昌老以書萬里屬予曰國寧之楠幾伐以營繕郡人力全之僅乃得免懼卒不免也君爲我終昔意予發書且歎且喜夫勿翦憩棠恭敬桑梓愛其人及其木自古已然姑以蜀事言之則唐節度使取孔明祠栢一小枝爲手板書於圖志今見非詆蔣堂守成都

有美政止以築銅壺閣伐江濱廟一木坐謠言罷亦書國史且王建孟知祥父子專有西南窮土木之侈

沅岸近在國城數十里間而四楠不爲當時所取彼猶有畏而不敢者况今聖主以恭儉化天下有夏禹卑宮室漢文罷露臺之風專闢方面皆重德偉人豈其殘滅千歲遺迹侈大棟宇爲王孟之所難哉意者特出於史胥梓匠欺罔專恣以自爲功而已使有以吾文告之者讀未終篇禁令下矣然則其可不書

成都古楠記

二

南園記

宋 陸游

慶元三年二月丙午慈福有旨以別園賜今少師平原郡王韓公其地實武林之東麓而湖西之水匯于其下天造地設極湖山之美公既受命乃以祿賜之餘葺爲南園因其自然輔爲雅趣方公之始至也前瞻却視左顧右盼而規模定因高就下通室去蔽而物象剖奇葩美木爭列於前清泉秀石若顧若揖於是飛觀傑閣虛堂廣厦上足以陳豆核下足以奏金石者莫不畢備升而高明顯敞如蛻塵垢入而窈窕深疑於無窮既成悉取先侍中魏中獻王之詩句名之堂最大者曰許開上爲親御翰墨以榜其顏其射廳曰知容其臺曰寒問其門曰藏春其間曰凌風其積石爲山曰西湖洞天其澹水藝稻因爲塲爲牧羊畜鴈鶩之地曰歸耕之莊其他因其實而命之名堂之名則曰采芳曰豁望曰鮮霞曰矜春曰歲寒曰忘機曰眠香曰堆錦曰清芬曰紅香亭之名則曰塵曰幽翠曰多稼自紹興以來王公將相之

南園記

一

望莫能及南園之勢勝者然公之志在

南園記

二

觀之美哉始曰許開中曰歸耕是公之志也公之爲此名皆取於忠獻王之詩則公之志忠獻之志也與忠獻同時功名富貴累將相者豈無其人今百四十五年其後往往寂寥無聞而韓氏子孫功足以銘葵鼎被絃歌者踵踵也迄至於公勤勞王家熏在社稷復如忠獻之盛而又謙恭抑畏拳拳於忠獻之志不忘如此公之子孫又將視公之志而不敢忘則韓之昌將與宋無極雖周之齊魯尚何加哉或曰上方倚公濟大川之舟公雖欲遂其志其可得哉是不然上之倚公而不知公之自處知公之勲業而不知公之忠此南園之所以不可無述游老病謝事居山陰澤中公以手書來示曰子爲我作南園記游竊伏思公之門才傑所聚也而顧以屬游者豈謂其愚且老又已掛衣冠而去則庶幾而無諛辭無侈言而足道公之志與此游所承公之命而不獲辭也大夫直文華閣政事賜金紫魚袋陸游謹記